

# Nov comic rumantsch: Il stgazi da la Delfina

■ (Ir) Oz è vegnida engrondida la spierta da comics cun in ulteriur titel. Il comic «Il stgazi da la Delfina» da Franz Zumstein – edì en rumantsch da la Lia rumantscha e da la Giuventetgna Rumantscha – raquinta l'aventura da Megi e Maxi che van en tschertga d'in stgazi misterius. La Lia rumantscha ha edì en coediziun cun la Giuventetgna Rumantscha il comic «Il stgazi da la Delfina» da l'autur svizzer Franz Zumstein. Quest comic raquinta l'aventura dals «conquistaders dal tschiel» Megi e Maxi che van en tschertga dal stgazi legendar da la Delfina en la Mar dal sid. En vracz sfundrads e cuvels sgarschavels vegnan els confruntads cun mumias, murenas, raits e criminals. Per fortuna chattan els en il grond Ocean er amis fidaivels. Avant che cuntanscher lur finamira ston els dentant anc schliar in engiavin.

Ils dus protagonistz principals Megi e Maxi èn forsà enconuschents a l'in u a l'autra tras ils comics u tras ils extracts che cumparan mintg'emna en la gasetta Coop e che fan part a la collecziun tudestga «Die Himmelsstürmer».

Il comic «Il stgazi da la Delfina» è a partir dad uss en vendita tar la Lia rumantscha e tar tut las librerias cun cu-

deschs rumantschs per il pretsch da 24.50 francs.

**Titel: Ils conquistaders dal tschiel  
Il stgazi da la Delfina**  
**Coediziun: Lia rumantscha  
e Giuventetgna Rumantscha  
comic, 46 paginas, en color,  
rumantsch grischun  
ISBN 3-03900-042-X, fr. 24.50**

